

REGIONAL NEWS UNIT
ALL INDIA RADIO, AGARTALA
Date: 24-05-2024
Time: 07:55-08:05 PM Hrs
BENGALI EVENING BULLETIN

Headlines :

(১) ত্রিপুরা মধ্যশিক্ষা পর্ষদ পরিচালিত উচ্চতর মাধ্যমিক, মাধ্যমিক, মাদ্রাসা ফাজিল এবং মাদ্রাসা আলিম পরীক্ষার ফলাফল আজ প্রকাশিত হয়েছে। মাধ্যমিকে পাশের হার ৮৭.৫৪ শতাংশ ও উচ্চতর মাধ্যমিকে পাশের হার ৭৯.২৭ শতাংশ।

(২) মুখ্যনির্বাচনী আধিকারিক পুনিত আগরওয়াল আজ ধলাই ও উত্তর জেলায় ভোট গণনার প্রস্তুতি খতিয়ে দেখলেন।

(৩) অষ্টাদশ লোকসভা নির্বাচনের ষষ্ঠ পর্যায়ের ভোটগ্রহণের জন্য প্রস্তুতি চূড়ান্ত। এই পর্বে আগামীকাল ৫৮টি সংসদীয় আসনে ভোট নেয়া হবে।

(৪) সিঙ্গাপুরে সিটি প্যারা ওয়াল্ড সুইমিং চ্যাম্পিয়নশিপে সাফল্য পেয়ে আজ রাজ্যে ফিরে এলেন দুই প্যারা সাঁতারু বিনিত রায় ও সমীর বর্মণ।

TBSE-Result :

ত্রিপুরা মধ্যশিক্ষা পর্ষদ পরিচালিত উচ্চতর মাধ্যমিক, মাধ্যমিক, মাদ্রাসা ফাজিল এবং মাদ্রাসা আলিম পরীক্ষার ফলাফল আজ প্রকাশিত হয়েছে। এ বছর মাধ্যমিক পরীক্ষায় পাশের হার ৮৭.৫৪ শতাংশ এবং উচ্চতর মাধ্যমিক পরীক্ষায় পাশের হার ৭৯.২৭ শতাংশ। পর্ষদ সভাপতি ড. ধনঞ্জয় গণ চৌধুরী আজ মধ্যশিক্ষা পর্ষদ কার্যালয়ে এক সাংবাদিক সম্মেলনে একথা জানান।

তিনি জানান, গত বছর উচ্চ মাধ্যমিক পরীক্ষায় পাশের হার ছিল ৮৩ দশমিক ৫২ শতাংশ। এবছর মোট ৪০৮টি বিদ্যালয়ের ২৫ হাজার ৩৫০ জন পরীক্ষায় বসেছিল। তাদের মধ্যে পাশ করেছে ২০ হাজার ৯৫ জন। জেলা স্তরে ফলাফলে পাশের হারে শীর্ষে রয়েছে সিপাহীজলা জেলায়। জেলা পরিষদে এবছর পাশের হার ৭০ দশমিক ৫৭ শতাংশ। ৩৯টি বিদ্যালয়ে পাশের হার ১০০ শতাংশ। ১৩টি বিদ্যালয়ে সবাই অকৃতকার্য হয়েছে। পর্ষদ সভাপতি জানান, এবছর উচ্চমাধ্যমিক পরীক্ষায় একমাত্র তৃতীয় লিঙ্গের পরীক্ষার্থীও সাফল্য পেয়েছে। উচ্চ মাধ্যমিকে এবার বছর বাঁচাও পরীক্ষায় ৪ হাজার ২৩৬ জন বসতে পারবে।

পর্ষদ সভাপতি আরো জানান, এবছর মাধ্যমিক পরীক্ষায় বসেছিল এই বছর মোট ১০৮৩টি বিদ্যালয়ের ৩৩ হাজার ৭৩৯ জন। তাদের মধ্যে পাশ করেছে ২৯ হাজার ৫৩৪ জন। জেলাস্তরে মাধ্যমিকের ফলাফলে গোমতী জেলা পাশের হারে শীর্ষে রয়েছে। জেলা পরিষদে এবার ৮০ দশমিক ১ শতাংশ। ৩১০টি বিদ্যালয়ে পাশের হার ১০০ শতাংশ এবং ১৬টি বিদ্যালয়ে সবাই অকৃতকার্য হয়েছে। এবার মাধ্যমিকে বছর বাঁচাও পরীক্ষায় বসতে পারবে ৩ হাজার ২১৩ জন। পর্ষদ সভাপতি জানান, এবছর মাদ্রাসা আলিমে ৯৯ জন ও মাদ্রাসা ফাজিলে ২২ জন পাশ করেছে।

Result Merit List-H.S :

ত্রিপুরা মধ্যশিক্ষা পর্ষদ পরিচালিত উচ্চমাধ্যমিক পরীক্ষায় সম্ভাব্য সেরা দশের তালিকায় প্রথম স্থানে রয়েছেন ৪ জন। তারা হলেন কমলপুরের হরচন্দ্র দ্বাদশ স্কুলের শুভ্রদীপ চৌধুরী, হরিণা উচ্চতর মাধ্যমিক বিদ্যালয়ের দেবশ্রী বল, বড়দোয়ালী উচ্চতর মাধ্যমিক বিদ্যালয়ের উদিতা সাহা, শিশু নিকেতন স্কুলের তুষার রুদ্রপাল। যুগ্মভাবে দ্বিতীয় স্থানে রয়েছে উদয়পুর রমেশ স্কুলের স্নেহাশিস ভৌমিক ও নেতাজী সুভাষ বিদ্যানিকেতনের বর্ষা কর্মকার। তৃতীয় কামিনী কুমার সিংহ মেমোরিয়েল স্কুলের লোকেশ দেব।

চতুর্থ স্থানে মনু উচ্চতর মাধ্যমিক বিদ্যালয়ের জয়ন্তী দেবনাথ, পঞ্চম কামালঘাট উচ্চতর মাধ্যমিক বিদ্যালয়ের পূজা দাস, যুগ্ম ষষ্ঠ মনু উচ্চতর মাধ্যমিক বিদ্যালয়ের নবজিত সাহা, টিলা বাজার ইসলামিয়া মাদ্রাসার রুহুল ইসলাম, যুগ্ম সপ্তম নিদয়া উচ্চতর মাধ্যমিক বিদ্যালয়ের রাজশ্রী পাল ও নেতাজী সুভাষ বিদ্যানিকেতনের বৃষ্টি কর্মকার, অষ্টম স্থানে ৪ জন তারা হলেন বিবেকানন্দ বিদ্যাপীঠের নাসরিন আক্তার, তুইসিন্দ্রাইবাড়ি উচ্চতর মাধ্যমিক বিদ্যালয়ের মানিক দেবনাথ ও ঈষিতা দাস এবং নবগ্রাম উচ্চতর মাধ্যমিক বিদ্যালয়ের দীপ্তনু চক্রবর্তী, নবম বিবেকানন্দ বিদ্যাপীঠের ধনঞ্জয় দেবনাথ, যুগ্ম দশম উদয়পুর রমেশ স্কুলের তুষা রুদ্রপাল, কৃষ্ণপুর উচ্চতর মাধ্যমিক বিদ্যালয়ের অপি দেবনাথ।

Result Merit List-Madhamik :

মাধ্যমিক পরীক্ষায় সম্ভাব্য সেরা দশের তালিকা প্রথম শান্তিরবাজারের সানফ্লাওয়ার ইংলিশ মিডিয়াম একাডেমীর আকাশ চৌধুরী, এই স্কুলেরই দ্বিতীয় জিতরাজ কর্মকার দ্বিতীয় স্থানে রয়েছে। তৃতীয় নেতাজী সুভাষ বিদ্যানিকেতনের পূর্বা বিশ্বাস, চতুর্থ বিবেকানন্দ শিশু নিকেতনের রামজয় সাহা, পঞ্চম সানফ্লাওয়ার ইংলিশ মিডিয়াম একাডেমীর অর্ণব মিত্র, ষষ্ঠ শিশু নিকেতন উচ্চতর মাধ্যমিক বিদ্যালয়ের শান্তনু শীল, যুগ্ম সপ্তম সানফ্লাওয়ার ইংলিশ মিডিয়াম একাডেমীর তপলীনা দত্ত ও নেতাজী সুভাষ বিদ্যানিকেতনের সুপ্রিয় সিংহ, যুগ্ম অষ্টম তেলিয়ামুড়ার আনন্দমার্গ স্কুলের দীপ্তনু ঘোষ ও রামকৃষ্ণ বিবেকানন্দ বিদ্যামন্দিরের উস্মিতা দেবনাথ, নবম স্থানে ৩ জন। তারা হলেন ধর্মনগরের নর্থ পয়েন্ট স্কুলের ঋষভ চন্দ, বিবেকানন্দ শিশু নিকেতনের সৌম্যদীপ ভৌমিক এবং জোলাইবাড়ি উচ্চতর মাধ্যমিক বিদ্যালয়ের রাজেশ দেবনাথ। দশম স্থানে রয়েছেন তেলিয়ামুড়ার আনন্দমার্গ স্কুলের জয়শ্রী পাল।

CEO VISIT :

মুখ্য নির্বাচন আধিকারিক পুনীত আগারওয়াল আজ ধলাই জেলার আমবাসায় চান্দ্রাইপাড়া দ্বাদশ শ্রেণী বিদ্যালয় স্থিত স্ট্রং রুম পরিদর্শন করেন। স্ট্রং রুম সহ গণনা কেন্দ্রের যাবতীয় বিষয় খতিয়ে দেখেন মুখ্য নির্বাচন আধিকারিক। সফরকালে তার সঙ্গে ছিলেন পূর্ব ত্রিপুরা লোকসভা আসনের রিটার্নিং অফিসার সাজু ওয়াহিদ এ, জেলা পুলিশ সুপার অবিনাশ রাই প্রমুখ। এরপর মুখ্য নির্বাচনী আধিকারিক ধলাই জেলাশাসক কার্যালয়ে এক পর্যালোচনা বৈঠক করেন।

রাজ্য মুখ্য নির্বাচন আধিকারিক পুনীত আগরওয়াল আজ ধর্মনগরে বীর বিক্রম ইনস্টিটিউশনের স্ট্রংরুম পরিদর্শন করেন। সেখানে মহকুমার চারটি বিধানসভা কেন্দ্রের ইভিএম গুলি সুরক্ষিত রয়েছে। তিনি বীর বিক্রম ইনস্টিটিউশনে তৈরি চারটি ভোট গণনা কেন্দ্রও পরিদর্শন করেন। তাঁর সঙ্গে ছিলেন উত্তর জেলার জেলাশাসক দেবপ্রিয় বর্ধন, উত্তর জেলা পুলিশ সুপার ভানুপদ চক্রবর্তী ও অন্যান্যরা। পরে তিনি পানিসাগরেও স্ট্রংরুম ও গণনার প্রস্তুতি খতিয়ে দেখেন। এরপর তিনি ধর্মনগর জেলাশাসক অফিসে ভোট গণনার প্রস্তুতি নিয়ে নির্বাচনী আধিকারিকদের সঙ্গে এক বৈঠক করেন। উপস্থিত ছিলেন ধর্মনগর পানিসাগর কাঞ্চনপুর-এই তিনটি মহকুমার এসিস্ট্যান্ট রিটার্নিং অফিসার ও পুলিশের পদস্থ আধিকারিকগণ।

Election 6th phase :

অষ্টাদশ লোকসভা নির্বাচনের ষষ্ঠ পর্যায়ের ভোটগ্রহণের জন্য প্রস্তুতি চূড়ান্ত। এই পর্বে আগামীকাল ৫৮টি সংসদীয় আসনে ভোট নেয়া হবে। এই পর্বে বিহারের আটটি, হরিয়ানার দশটি, ঝাড়খণ্ডের চারটি, দিল্লির সাতটি, ওড়িশার ছয়টি, উত্তর প্রদেশের ১৪টি, পশ্চিমবঙ্গের আটটি এবং জম্মু ও কাশ্মীরে একটি সংসদীয় আসন রয়েছে। সকাল ৭টা থেকে ভোটগ্রহণ শুরু হবে।

আগামীকাল বরিষ্ঠ বিজেপি নেতা ধর্মেন্দ্র প্রধান, মানেকা গান্ধী, মনোহর লাল খাট্টার, সম্বিত পাত্র, বাঁশুরি স্বরাজ, মনোজ তিওয়ারি, কংগ্রেস নেতা দীপেন্দ্র সিং হুডা, কুমারী শৈলজা, রাজ

বকবর এবং কানহাইয়া কুমারের পাশাপাশি সমাজবাদী পার্টির নেতা ধর্মেন্দ্র যাদব, পিডিপি প্রধান মেহবুবা মুফতি সহ বিশিষ্ট নেতাদের রাজনৈতিক ভাগ্য নির্ধারিত হবে।

সুষ্ঠু ও অবাধ ভোটগ্রহণ নিশ্চিত করতে নির্বাচন কমিশনের পক্ষ থেকে উদ্যোগ নেয়া হয়েছে। ছাউনী, পানীয় জল, র‍্যাম্প, শৌচাগার, হুইলচেয়ার, বিদ্যুতের ব্যবস্থা করা হয়েছে।

যেকোনো ধরনের অপ্রীতিকর ঘটনা এড়াতে ভোট কেন্দ্রগুলোতে নিরাপত্তা জোরদার করা হয়েছে।

Najrul Janmajayanti :

কাজী নজরুল ইসলামের ১২৫তম জন্মজয়ন্তী উপলক্ষে বিদ্যালয় শিক্ষা দপ্তরের উদ্যোগে আগামীকাল রাজ্যভিত্তিক অনুষ্ঠান হবে ধলাই জেলার আমবাসা টাউন হলে। অনুষ্ঠানে উপস্থিত থাকবেন জেলাশাসক সাজু ওয়াহিদ এ, জেলা পুলিশ সুপার অবিনাশ রাই, মহকুমা শাসক সঞ্জিত দেববর্মা, তথ্য সংস্কৃতি দপ্তরের সহ অধিকর্তা চন্দন সরকার। অনুষ্ঠানে সভাপতিত্ব করবেন উচ্চশিক্ষা দপ্তরের অধিকর্তা এন সি শর্মা।

তথ্য সংস্কৃতি দপ্তরের উদ্যোগে আগামীকাল আগরতলার নজরুল কলাক্ষেত্রে অনুষ্ঠিত হবে প্রভাতী কবি প্রণাম অনুষ্ঠান। নজরুল স্মৃতি মঞ্চের উদ্যোগে আগামীকাল সকালে আগরতলার রবীন্দ্রশতবার্ষিকী ভবনে অনুষ্ঠিত হবে কবি প্রণাম অনুষ্ঠান।

Najrul islam -2:

সাম্যের কবি কাজী নজরুল ইসলামের ১২৫তম জন্মবার্ষিকী উপলক্ষে আজ আকাশবানীর সংবাদ বিভাগ প্রচার করবে এক সাক্ষাৎকার রাত ১০.১৫ মিনিটে আকাশবাণী আগরতলা কেন্দ্র থেকে এই অনুষ্ঠান প্রচারিত হবে। অনুষ্ঠানে অংশ নেবেন শচীন দেববর্মন সঙ্গীত মহাবিদ্যালয়ের অধ্যক্ষা মনিকা দাস।

Book Fair/Meeting :

ঊনকোটি জেলা সদর কৈলাশহরে আগামী বারো-ই জুন থেকে পাঁচদিন ব্যাপী বই মেলা শুরু হবে। স্থানীয় রামকৃষ্ণ মহাবিদ্যালয়ের বিজ্ঞান ভবন প্রাঙ্গণে অনুষ্ঠেয় এই বই মেলাকে সফল করার জন্য কৈলাশহরস্থিত ঊনকোটি জেলা শাসক কার্যালয়ে প্রস্তুতি বৈঠক অনুষ্ঠিত হয়। পৌরহিত্য করেন, ঊনকোটি জেলার জেলা শাসক দিলীপ কুমার চাকমা। তাছাড়া কৈলাশহরের মহকুমা শাসক প্রদীপ সরকার ও বিভিন্ন দপ্তরের আধিকারিকগণ উপস্থিত ছিলেন। ত্রিপুরা পাবলিশার্স গিল্ড ও ত্রিপুরা বুক সেলার্স এসোসিয়েশনের প্রতিনিধিরা উপস্থিত ছিলেন এই বৈঠকে।

Sitting Demonstration :

কৈলাশহর চিনিবাগান এলাকার ফরেস্ট ড্রপ গেইট সংলগ্ন স্থানে আজ কংগ্রেসের উদ্যোগে ধর্না ও রাস্তা অবরোধ আন্দোলন সংঘটিত করা হয়। মোট নয় দফা দাবিরভিত্তিতে ছিল এই কর্মসূচি। দাবিগুলোর মধ্যে রয়েছে, কৈলাশহরের দেওড়াছড়া ও ঊনকোটি A.D.C ভিলেজ এলাকায় MGNREGA এর মাধ্যমে গ্রামীণ

এলাকায় কাজের ব্যবস্থা করা, জুমিয়া পরিবারগুলিকে আপদকালীন পাঁচ হাজার টাকা করে অর্থ সাহায্য প্রদান, জলের স্থায়ী উৎস যেখানে নেই সেখানে জলবাহী ট্যাঙ্কারের মাধ্যমে পানীয় জলের ব্যবস্থা করা ইত্যাদি। এই কর্মসূচিতে উপস্থিত ছিলেন, বিধায়ক বীরজিৎ সিংহ, পি,সি,সি সদস্যদ্বয় রুদ্রেন্দু ভট্টাচার্য, ও রনু মিয়া প্রমুখ।

Para Swimmer :

সিঙ্গাপুরে সিটি প্যারা ওয়াল্ড সুইমিং চ্যাম্পিয়নশিপে পদক জয় সহ সাফল্য পেয়ে আজ রাজ্যে ফিরে এলো দুই প্যারা সাঁতারু বিনীত রায় ও সমীর বর্মণ। দুজনের সাথে কোচ দীপক দাসকে বিমানবন্দরে স্বাগত জানান ক্রীড়া পর্ষদের সচিব সুকান্ত ঘোষ সহ ক্রীড়া দপ্তর এবং পর্ষদের কর্মকর্তারা। এই আন্তর্জাতিক আসরে ভারতের হয়ে সুইমিং পুলে নেমে বিনীত রায় অর্জন করে ব্রোঞ্জ পদক। সমীর বর্মণ পদক না পেলেও রেংকিংয়ে সাফল্য পায়। বিনীত, সমীর সহ কোচ দীপক দাসকে পুষ্পস্তবক ও উত্তরীয় দিয়ে স্বাগত জানানো হয়। বিমান বন্দরে বিনীত ও সমীরের পরিবারের লোকজনরাও ছিলেন। দুজনই আরও কঠোর অনুশীলন করে আগামীদিনে দেশের পাশাপাশি রাজ্যকে আরও সাফল্য এনে দেওয়ার প্রতিশ্রুতি দেন।

Inter School Boy's Cricket-Santirbazar :

শান্তিরবাজার ক্রিকেট এসোসিয়েশন আয়োজিত আন্তঃ স্কুল ক্রিকেট টুর্নামেন্টে চ্যাম্পিয়ান হয়েছে বাইখোড়া ইংলিশ মিডিয়াম

দ্বাদশ স্কুল। আজ ফাইনাল ম্যাচে জোলাইবাড়ি দ্বাদশ স্কুলকে ১ উইকেটে পরাজিত করেছে বিজয়ী দল।

Inter School Cricket :

সদরের আন্তঃ স্কুল ক্রিকেট প্রতিযোগিতার ফাইনালে হলিক্রস স্কুল খেলবে প্রগতি বিদ্যাভবনের বিরুদ্ধে। আগামী ২৬ মে ফাইনাল ম্যাচটি হবে। আজ আসরের দুটি সেমিফাইনাল অনুষ্ঠিত হয়। এতে নরসিংগড়ের টিআইটি মাঠে সকালে অনুষ্ঠিত লড়াইয়ে হলিক্রস স্কুল ৬ রানে হিন্দি স্কুলকে এবং পরে একই মাঠে দুপুরের খেলায় প্রগতি বিদ্যাভবন ৬ উইকেটে বিদ্রোহী কবি নজরুল বিদ্যাভবনকে পরাজিত করে।

Weather :

সমুদ্রে শক্তি বাড়াচ্ছে ঘূর্ণিঝড় রেমাল। আগামী ২৪ ঘণ্টার মধ্যে সেটি অতি গভীর নিম্নচাপ থেকে শক্তি বাড়িয়ে ঘূর্ণিঝড়ে পরিণত হবে। ইতিমধ্যে সমুদ্র উত্তাল হয়ে উঠেছে। ভারতীয় আবহাওয়া বিভাগ থেকে আজ সন্ধ্যায় জানানো হয়েছে, আগামী রবিবার মাঝরাতে সাগরদ্বীপ ও বাংলাদেশের খেপুপাড়ার মাঝে আছড়ে পড়তে পারে ঘূর্ণিঝড় রেমাল। মাটিতে আছড়ে পড়ার সময় ঘূর্ণিঝড়ের গতিবেগ ১০০ থেকে ১২০ কিলোমিটার হতে পারে। এই সময়ে মিজোরাম, ত্রিপুরার উপর দিয়ে ঘন্টায় সর্বোচ্চ ৭০ কিলোমিটার বেগে ঝড়ো হওয়া বয়ে যেতে পারে। আগামী ২৬ ও ২৭শে মে মিজোরাম, ত্রিপুরা ও দক্ষিণ মণিপুরের কিছু স্থানে অতি ভারী বৃষ্টিপাতের সম্ভাবনা রয়েছে।

এদিকে, আগরতলায় আবহাওয়া দপ্তরের পক্ষ থেকে জানানো হয়েছে, আগামীকাল আকাশ আংশিক মেঘাচ্ছন্ন থাকবে। দুয়েক জায়গায় বজ্র বিদ্যুত সহ হালকা থেকে মাঝারি পর্যায়ে বৃষ্টিপাতের সম্ভাবনা রয়েছে। আগামীকাল তাপমাত্রা সর্বোচ্চ ছত্রিশ ডিগ্রী এবং সর্বনিম্ন আঠাশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল সাঁইত্রিশ দশমিক দুই ডিগ্রি এবং সর্বনিম্ন ছাব্বিশ ডিগ্রী সেলসিয়াস। আগামী চব্বিশ ঘণ্টায় রাজ্যের সব জেলায় বিক্ষিপ্তভাবে বজ্র বিদ্যুত সহ বৃষ্টিপাতেরও সম্ভাবনা রয়েছে বলে জানিয়েছে আবহাওয়া দপ্তর।
